

國學基
本叢書
蒙古游牧記

書叢本基學國

記 牧 游 古 蒙

撰 穆 張

行發館書印務商

蒙古游牧記序

海內博學異才之士。嘗不乏矣。然其著述卓然不朽者。厥有二端。陳古義之書。則貴乎實事求是。論今事之書。則貴乎經世致用。二者不可得兼。而張子石州蒙古游牧記。獨能兼之。始余按刊先大夫藩部要略。延石州覆加按覈。石州因言自來郡國之志。與編年紀事之體。相爲表裏。昔司馬子長作紀傳。而班孟堅。補修地理志。補龍門之闕。而相得益彰。今要略編年書也。穆請爲地志。以錯綜而發明之。余亟慙。俾就其事。殺青未竟。而石州疾卒。以其稿屬何願船。比部整理。願船爲補其未備。又十年始克成編。余詳爲披覽。究其終始。見其結構則詳而有體也。徵引則瞻而不穢也。考訂則精而不浮。確而有據也。擬諸古人地志。當與酈亭之箋水經。贊皇之志郡縣。並駕齊驅。樂史祝穆以下。無論已。雖然。石州之成此編。豈第矜博與蒐隱僻。成輿地一家言哉。蓋嘗論之。蒙古輿地與中國邊塞相接。其部族強弱。關繫中國盛衰。非若海外荒遠之區。可以存而不論也。塞外漠南北之地。唐以前不入版圖。史弗能紀。至遼金元。皆嘗郡縣其地。乃三史地志。虛存其名。而山川形勢。都會阨塞。闕焉無考。是則欲知古事。不外斯編矣。如科爾沁土默特之拱衛邊門。翁牛特烏珠穆沁之密邇禁地。四子部落環繞雲中。鄂爾多斯奄有河套。至於喀爾喀杜爾伯特土爾扈特諸部。或跨大漠杭海諸山。或據金山南北。或外接俄羅斯哈薩克諸國。所居皆天下精兵處。與我西北科布多塔爾巴哈台諸鎮重兵。相爲首尾。是皆講經制者所當盡心也。承學之士。得此書而

研究之。其於中樞典屬之政務。思過半矣。然則是書之成。讀史者得實事求是之資。臨政者收經世致用之益。豈非不朽之盛業哉。因釀金付梓。而序其綱要。以諗觀者。咸豐九年夏四月。壽陽祁嵩藻。

蒙古游牧記目錄

卷之一

內蒙古哲里木盟游牧所在 科爾沁 札賚特 杜爾伯特 郭爾羅斯

卷之二

內蒙古卓索圖盟游牧所在 喀喇沁 土默特

卷之三

內蒙古昭烏達盟游牧所在 敖漢 奈曼 巴林 札賚特 阿魯科爾沁 翁牛特 克什克騰 喀爾喀左翼

卷之四

內蒙古錫林郭勒盟游牧所在 烏珠穆沁 浩齊特 蘇尼特 阿巴噶 阿巴哈納爾

卷之五

內蒙古烏蘭察布盟游牧所在 四子部落 茂明安 烏喇特 喀爾喀右翼

卷之六

內蒙古伊克昭盟游牧所在 鄂爾多斯

卷之七

蒙古游牧記 目錄

外蒙古喀爾喀四部總敘

外蒙古喀爾喀汗阿林盟游牧所在 土謝圖汗部

卷之八

外蒙古喀爾喀齊齊爾里克盟游牧所在 賽音諾顏部

卷之九

外蒙古喀爾喀喀魯倫巴爾和屯盟游牧所在 車臣汗部

卷之十

外蒙古喀爾喀札克必拉色欽畢都哩雅諾爾盟游牧所在 札薩克圖汗部

卷之十一

額魯特蒙古總敘

阿拉善額魯特蒙古游牧所在

卷之十二

青海額魯特蒙古游牧所在

卷之十三

額魯特蒙古烏蘭固木杜爾伯特部賽音濟雅哈圖盟游牧所在

卷之十四

額魯特蒙古新舊土爾扈特部總敘

珠勒都斯舊土爾扈特蒙古烏訥恩素珠克圖盟南路游牧所在

珠勒都斯中路和碩特蒙古巴啓色特啓勒圖盟游牧所在

卷之十五

和博克薩里舊土爾扈特蒙古烏訥恩素珠克圖盟北路游牧所在

庫爾喀喇烏蘇舊土爾扈特蒙古烏訥恩素珠克圖盟東路游牧所在

晶河舊土爾扈特蒙古烏訥恩素珠克圖盟西路游牧所在

卷之十六

額濟納舊土爾扈特蒙古游牧所在

布勒罕河新土爾扈特蒙古青色特啓勒圖盟游牧所在

哈爾察克新和碩特蒙古游牧所在

蒙古游牧記卷之一

清 平定張 穆石州撰

內蒙古哲里朮盟游牧所在

科爾沁 扎賚特
杜爾伯特 郭爾羅斯

〔科爾沁部〕在喜峯口東北八百七十里。至京師千二百八十里。東西距八百七十里。南北距二千一百里。東至扎賚特界。西至札魯特界。南至盛京邊牆界。北至索倫界。秦漢遼東郡北境。後漢爲扶餘鮮卑

地。後漢書。夫餘國在元菟北千里。南與高句麗東與挹婁西與鮮卑接界。

南北朝隋唐爲契丹靺鞨地。

唐時契丹地在奚之東北與室韋靺鞨接界。今科爾沁在古契丹靺鞨之間。

遼爲上京

東境及東京北境。金分屬上京。北京。及咸平路。元爲開元路北境。

開元路治黃龍府。詳見郭爾羅斯東南柳條邊。

明初置福餘外衛。

以元後兀良哈爲都指揮。掌衛事。

其地西自廣甯白雲山黃泥窪起。踰鐵嶺至開原。洪武二十一年置衛。以故元東甯王海撒男答奚爲指揮。同知。歲再貢馬。永樂元年以安出及士不申爲都指揮。掌衛事。案兀

良哈。卽烏梁罕。亦作烏浪漢。

洪熙間。蒙古臣阿魯台爲瓦剌所破。

瓦剌。卽衛拉。或以烏喇特爲瓦剌之譌者。非也。阿魯台乃人名。非部名。或以厄魯特爲阿魯台之轉者。亦非也。

其酋奎蒙

克塔斯哈喇姓博爾濟吉特。

蒙古源流提要曰。皇上幾餘覽古。以元代奇渥溫得姓所自。必史臣傳譌。詢之定邊左副將軍喀爾喀親王成衮札布。因以此書進御。考證本末。始知奇渥溫爲却特之誤。蒙古博明西齋

偶得云元史稱帝姓奇渥溫祕史載孛敦察爾自爲孛爾只止歹氏此亦如中國姓氏之別蓋各蒙古之類凡十數皆出自奇渥溫姓帝自爲孛爾只止歹氏以別之孛爾只止歹其先世之名也蒙古不諱名其來久矣今蒙古元裔皆博孛爾濟只吉止特歹氏而姓確特確北音作平聲卽奇渥亦平聲二字合溫其餘音當日譯言之譌耳穆案孛敦察爾祕史作孛端察兒孛爾只止歹祕史作孛兒只斤西齋語有誤錢大昕元史攷異太祖姓奇渥溫氏按元祕史作孛兒只吉歹氏明楊子器宮詞注亦云世祖姓孛兒只斤只斤卽只吉歹譯音有輕重爾今譯爲韓爾濟吉特穆案攷異所據祕史本卽余刻入楊氏連筠簾叢書之本而引用亦誤何也龔之翰後出塞錄科爾沁喀喇沁兩蒙古皆以王爲姓其先乃山東膠州人至今尙通往來譜系亦略可攷穆案此無徵之言不足據也

元太祖弟哈布圖哈薩爾十四世孫也

哈薩爾元史太祖紀作哈撒兒表作捌只哈兒食貨志作捌只哈撒兒札八兒火者傳作哈札兒今譯改作哈札爾又作楚齊格爾元祕史作阿兒孩合撒兒又作

拙赤合撒兒亦單稱曰合撒兒蒙古源流作特穆津哈薩爾案蒙古源流滿都古勒汗卒其小福晉滿都海徹辰科爾沁之烏訥博羅特王欲娶之滿都海徹辰欲待汗之姪巴圖蒙克長而嫁之以間桑該烏爾魯克之妻札哈阿海札哈阿海云適哈薩爾之子則離却屬衆敗福晉名若守汗之子則據有國衆可以表揚走避嫩江嫩江一作妹江又名諸尼江古名難水亦曰那河明人謂之腦溫福晉名譽云云然則科爾沁之爲哈薩爾裔確有徵也

走避嫩江

嫩江又曰忽刺溫江方式濟龍沙紀略蒙古謂腦溫爲魯諾尼意同

今呼嫩江明一統志云源出西北邊外不可攷蓋江之在明爲甌脫統志第指其與松阿里合流處故不知其源今按江源出宜呼爾山山在黑龍江之南興安嶺下江流自北而南經查克達奇山之東額勒克爾山之西循墨爾根城北門復稍轉西下抵卜魁城西門凡一千四百餘里

與松阿里江合

依兀良哈因同族有阿魯科爾沁故號嫩科爾沁以自別

天命九年奧巴表稱嫩江水濱科爾沁台吉等楊賓柳邊紀略科爾沁

一作好兒趁與察哈爾虎敦兔同祖住牧東北邊外去建州最近高宗純皇帝入科爾沁境詩曰塞牧雖稱遠姻盟向最親銅徽彤管著繇澤礪山申設候嚴喧沓消塵奉狩巡敬誠堪愛處未忍視如賓穆案科爾沁諸部以明史攷之蓋阿魯台之裔史稱本雅失里

爲瓦剌所襲。與阿魯台徙居臚胸河。及聞成祖自將五十萬衆出塞。本雅失里懼。欲與阿魯台俱西。阿魯台不從。君臣始各爲部。本雅失里西奔。阿魯台東奔。其後當仁宗登極之初。阿魯台數敗於瓦剌部。曲離散。乃率其屬東走兀良哈。駐牧遼塞。正與科爾沁爲衛拉所破。走避嫩江。情事時代相符。又案據蒙古源流。蒙古自順帝出奔。七傳。至永樂十三年乙未。德勒伯克汗歿。曠十餘年。無君。泊宣德元年。科爾沁烏濟錦諾延之子阿岱台吉。乃占據蒙古餘衆。即汗位。先是洪熙元年。則有哈爾古楚克之遺腹子阿寨。及其母鴻拜濟。及阿薩特之子阿魯克台。往依之。阿魯克台。本名烏格德勒庫。以巴圖拉丞相命之貢匡拾遺。取貢匡之義。命曰阿魯克台。阿岱汗既得此三人。卽汗位。遂加兵濟勒滿汗。征四衛拉特。俘額色庫汗之子巴克穆。所謂脫歡太師者也。其情事與明史及科爾沁總傳正相反。記載荒忽。亦未敢實爲誰是。要是洪熙宣德間。科爾沁有與衛拉搆兵事。則諸書所記隱隱相符也。

所部六旗。分左右翼。〔右翼中旗〕本韃靼地。遼爲黃龍府北

境。金屬上京路。元廢。札薩克和碩土謝圖親王游牧。

土謝圖今譯改圖什業圖。

奎蒙克塔斯哈喇曾孫。翁果岱。翁果岱

子奧巴。世爲察哈爾諾顏。天命十一年。以奧巴先諸蒙古來降。妻以莊親王舒爾哈齊女孫。授和碩額

駙。封土謝圖汗。子巴達禮。崇德元年。敍功。封札薩克和碩土謝圖親王。去汗號。詔世襲罔替。

巴達禮長子巴雅斯呼朗。

順治二年。尙固倫崇康公主。

掌右翼五旗事。

佐領二十二。額存穀萬二千四百八石四斗。順治七年。定外藩蒙古。每十五丁。給地廣一里。縱二十里。

牧地當哈古勒河。阿魯坤都倫

河。合流之北岸。

阿魯坤都倫河。出札魯特旗西山東流。哈古勒河出其西北山。二水合東南流來會。經游牧而東。豬於沙。一統志。合河蒙古名和爾。出札魯特左翼之北。東流入境。經左翼西北三百三十里。又東經右翼西一里。又東經右翼前

旗後旗地入因沁察漢池阿噶坤都倫河在左翼西北三百里自札噶特左翼流入境經葛刺圖溫都爾山東流會額伯爾
坤都倫河入右翼界西北經奎屯山東南流會於合河穆案合河即哈古勒河東豬於沙即豬於因沁察罕池今沒其名矣

哈太山。一作納哈台坡八十里接右翼前
旗界。旗東六十五里有烏蘭峯。南至察罕莽哈。二百里接左翼中旗界。旗南八十里自土母達察漢陀羅海坡布哈坡百二十里有漢惠圖坡。西至塔勒布

拉克。七十里接左翼中旗界。旗西
三十里有鮮卑山土人名蒙格。北至巴音和碩。一作巴煙和邵二百五十里接烏珠穆沁左翼界。旗北二百里有溫山蒙古名哈祿納二百五十里有胡凱山蒙古名伊克呼巴海。旗北

百七十里自阿爾達爾河源出溫山經榆木山東南流入右翼前旗界會貴勒爾河入洮兒河二百三十里有榆河蒙古名海拉蘇台
源出興安山經火山東南流會貴勒爾河二百六十里有鶴午河源出伊克呼巴海山經磨爾托山東南流入左翼前旗界會榆河

東南至巴朗濟喇坡。二百二十里接右翼前旗界。旗東南百六十里有阿達金察罕陀羅海坡二十里有
烏拉達罕坡。旗東南四十里有鹽池蒙古名博羅呼吉爾六十里有德爾赫楞貴池。西南至格倫

哈古沁城。二百十里接左翼中旗界。旗西南八十里自烏爾圖岡二
百里有巴雅爾察罕岡二百十里自孤峯蒙古名郭圖和碩。東北至木勒推山。一作磨爾托山二百六十里接右翼前旗界。旗東北八十里有大

牢古山蒙古名布古特百四十里有榆木山。西北至博羅霍吉爾山。三百里接左翼中旗界。旗西北五十里有達喜圖察罕
蒙古名海喇蘇台百七十里自綽爾海山。陀羅海坡九十里自殺雞山蒙古名伊克依瑪圖百四十

里有寒山蒙
古名奎屯。札薩克駐巴音和碩之南曰塔克禪。在喜峯口東
北千二百里。〔左翼中旗〕本契丹地遼置信州彰聖軍。領

武昌武定二縣。二縣俱在今奉天
府鐵嶺縣東北。屬東京金省武定入武昌以州屬上京元廢。信州故城在旗東南三百八十里
全遼志目開原東北至信州三百

十里今有城周一里門八土人猶呼爲信州城一統志按遼史地里志信州自是古越喜地在今開原縣南全遼志云開原東北非是

札薩克和碩達爾漢親王游牧與巴叔父莽古斯

以女歸太宗文皇帝是爲孝端文皇后追封莽古斯和碩福親王妻封福妃孝端文皇后崩莽古斯子宰桑宰桑之長子烏克善請以女弟爲繼室是爲孝莊文皇后追封宰桑和碩忠親王妻封賢妃烏克善封卓哩克圖親王烏拉善之仲弟察罕子綽爾濟復以女歸世祖章皇帝是爲孝惠章皇后順治十八年封綽爾濟多羅貝勒

館臣謹案科爾沁以列朝外戚荷國恩獨厚列內札薩克二十四部首有大征伐必以兵從如親征噶爾丹及剿策妄阿喇布坦羅卜藏丹津噶爾丹策凌達瓦齊諸役札薩克等效力戎行莫不

懋著勤勞土謝圖親王達爾漢親王卓哩克圖親王札薩克圖郡王等四爵俸幣視他部獨增非惟禮崇姻戚抑以其功冠焉魏源曰科爾沁從龍佐命世爲祔附與國休戚故世祖當草創初冲齡踐阼中外帖然緊蒙古外戚扈衛之力會典理藩院王會清吏司制外藩之祿有俸銀有俸幣其等七惟科爾沁親王三郡王一各視其等而優焉注外藩親王俸銀二千兩俸緞二十五匹郡王俸銀一千二百兩俸緞十五匹科爾沁三親王各俸銀二千五百兩俸緞四十四匹郡王俸銀一千五百兩俸緞二十四匹又外藩之供給各辨以僕馬之等而區其庫餼芻秣惟科爾沁親王三貝勒一各視其等而優焉注親王護衛官二十三人隨侍七人從役十人庫給每日銀六兩三錢五分米三斗三升坐馬十五匹從馬四十匹艸料每日銀三兩七錢四釐一絲三忽貝勒護衛官十一人隨侍九人從役十人庫給每日銀三兩四錢米二斗二升坐馬八匹從馬三十四匹艸料每日銀二兩五錢五分九釐一毫八絲六忽科爾沁三親王庫給每日銀七兩三錢五分米三斗三升多羅貝勒一人庫給每日銀六兩三錢米二斗二升從馬皆四十五匹三親王坐馬從馬艸料每日銀四兩四分八毫二絲貝勒每日銀三兩五錢六分九釐三毫九絲一忽又凡外藩之至者有錫賚歸則給以資惟科爾沁親王三貝勒一往來皆給焉注年班來京王以下例賞衣帽撒袋腰刀鞍轡緞匹茶布等物皆計直折銀親王給銀四百三十兩科爾沁三

親王加給銀七十二兩郡王給銀三百十七兩科爾沁一郡王加給銀七十三兩年班王以下禮畢回游牧各給以路費親王給銀十二兩八錢隨從四十人按程限每日給銀三錢米三斗三升貝勒給銀五兩隨從三十人每日給銀一錢八分米二斗二升科爾沁三親王一貝勒來京給銀十八兩五錢回日給銀二十五兩烏克善季弟滿珠習禮尙郡主授和碩額駙天聰二年征五錢九分隨從各視親王貝勒例來回皆按程限給銀米

察哈爾以功賜號達爾漢巴圖魯崇德元年封札薩克多羅巴圖魯郡王順治九年敍討膳機思功晉

達爾漢號各部蒙古有功加達爾漢號者增加俸銀二十兩俸銀四匹達爾漢者有勤勞之謂也十六年晉和碩達爾漢巴圖魯親王康熙四年子和塔圖

去巴圖魯號世襲罔替道光元年滿珠習禮之八世孫布彥溫都爾瑚因事革去札薩克以烏克善之八世孫噶勒桑棟羅布襲補今降襲固山貝子佐領四十六額存穀萬八千四百六十五石道光二十年理藩院則例載

旗下公主子孫台吉姻親台吉共二千人定爲二十班每班一百人一年一班輪流來京案旗下公主子孫和塔長子班第尙固倫端敏公主班第長子羅卜藏袞布尙和碩公主羅卜藏袞布第三子色布騰巴爾珠爾尙固倫和敏公主又烏克善第三子畢勒塔噶爾尙固倫雍穆公主滿珠習禮從子奇塔特尙固倫端靖公主聖祖仁皇帝賜班第祭文曰卹贈之典義重親賢享祀之文恩崇勳舊任隆屏翰生前已荷寵光禮具牲牢身後宜加哀誄爾科爾沁和碩達爾漢親王額駙班第世膺王爵榮耀天家行已樸誠不愆軌度居心忠順克殫勤勞實宣力以有年表諸藩而奉職方將錫以蕃祉長享遐齡詎意嬰此沈疴遽歸冥漠良深憫悼用考彝章特遣專官往頒諭祭嗚呼恩深卹養情無閒於初終光賁絲綸禮不殊於存沒靈其來格尙克歆承又賜固倫雍穆長公主城志曰固倫雍穆長公主太宗文皇帝之女世祖章皇帝之姊朕之姑也生於天聰三年正月初八日午時薨於康熙十七年閏三月十八日未時春秋五十卜以某年某月某日窆於某山嗚呼朕懷鴻緒念係皇祖之女皇考同氣之親方期駢集繁祉永享大年何意遽爾薨逝朕懷傷悼

曷其有極爲卜兆域。併設垣宇。窆窆之文。式從古制。祭享之儀。悉循典章。勒之貞珉。用誌生薨之年。月。惟靈其永享。於是焉。高宗純皇帝御賜色布騰班珠爾詩曰。世篤姻盟。擬管秦宮中教養喜成人。詩書大義能明要。嬌汭叢祥途降嶺。此日眞堪呼半子。當年欲笑擬和親。同來侍宴承懽處。爲憶前茲轉鼻辛。第二句注。色布騰班珠爾九歲時。卽令隨諸皇子讀書。末句注。固倫和敬公主。乃孝賢皇后所生。故云御賜碑文曰。朕惟旌門展力。必資參闔之才。冊府銘庸。尤重折衝之略。溯承恩於魯館。久著勤勞。傷盡瘁於蠻陬。宜優寵卹。名垂勒鼎。禮具錫珉。爾科爾沁和碩親王固倫額駙色布騰巴爾珠爾。秉性篤誠。程材勤練。榮分禮李。重帝室之舊姻。慶衍封茅。備天家之高爵。擢從藩服。侍在禁廷。維教養之能承。遂勳名之克奮。往以蕩平準部。使之襄贊戎行。霧帳連山。方襄創而接戰。星弧震野。值乘勝以窮追。汝則勇以濟忠。少能制衆。效官威於月竈。助運策於珠鈴。是用嘉乃膚功。被之懋賞。贊西陲之底績。爰偕諸將以圖形。逢朔塞之歸誠。俾率遠人而入覲。倚毗是切。數歷方深。逮偶蹈夫愆尤。暫鐫顯秩。實隱施夫鼓勵。更策成勞。邇當蜀檄之行。師命赴軍營而佐畫。蠶叢架入。屢摧雪外之碉。鼠穴窮搜。直擣雲中之隘。正捷音之疊奏。乃夙疾之俄殷。於是復厭崇封。昭茲渥眷。特遣尙醫而往診。並令嗣子以偕行。竟告奄徂。彌深軫悼。錫精鑲於內府。典備飾終。迎遺櫬於郊垌。儀崇遣奠。旣因時以將祀。仍表行以易名言。象生平。諡之曰毅。於戲。掃樓槍之兵氣。方看銅柱先標。問杖杜之歸期。應懷鐵衣遽逝。輝增紫閣。褒鄂之遺像猶存。凱仁紅旗。方召之殊勳不泯。豐碑屹樹。隧道丕光。度克永終。式昭來許。又賜色布騰巴爾珠爾祭文曰。分虎符而贊畫。夙資歷試之才。圖麟閣以褒忠。更憶折衝之略。躬旣微夫盡瘁。典奚靳於酬庸。宜沛絲綸。用釐圭瓚。爾科爾沁和碩親王固倫額駙色布騰巴爾珠爾。世延勳戚。資秉篤誠。當貳室之迎祥。早干城之表望。誼均齒冑。先承教養之恩。勤著趨朝。勿懈靖共之義。會邊陲之奮武。辭禁闥以過征。願效前驅。屢覩偉伐。惟札哈沁之竣事。勝兵將分道以合圍。乃庫隴癸之移屯。窮寇復負隅而據險。師行五夜。乘曉霧之漫山。勇倡百夫。任飛鉛之貫脇。有進無退。嘉哉忠愍。不渝以少勝多。赫矣軍威。彌振爰慰策勳之賞。俾邀績像之榮。因兇豎之稽謀。式詰戎而致討。聲勳旅而塵消。絕微。頻聞鞞隘攻。鼓先聲而雷動。遐荒立見犁庭掃穴。方謂壯猶克贊。膚公奏旦夕之間。何期宿疾重罹。灰疾入膏肓之際。錫藩封而澤渥。敕醫使以星馳。尙冀就痊。遽傷長逝。於戲。廿年勞績。蠶叢留未竟之心。萬里歸魂。馬革遂平生之志。聽鼓鼙而增感。功名尙震。

氏羌勒鐘鼎以非慚毛髮空存襄鄂昭茲肝鬐慰爾英靈脩撰黃軒之詞也又賜和敬固倫公主初次祭文曰恩隆天性緬椒庭巽筭之占諠篤懿親軫梓舍慈暉之感摧瓊枝而歎逝垂繹帳以含淒發寶誥詞載頒奠醴爾和敬固倫公主柔嘉維則淑慎其儀翬戲承歡已無違於姆教筭齡毓德洵克協乎風詩相攸眷篤於舊藩于歸慶偕乎嘉耦悵宣勞於甥館結褵虛偕老之期冀垂蔭夫嫗枝衍緒懋承家之慶釐降欲周四紀告甯每念其芳徽恩勤已越六旬示疾彌憐其弱質方謂含飴以永算何圖遽疾而告終感桐葉之早凋猶當六月傷蕙畦之遽謝未待九秋蕙唱遙傳隔瑤軒於駐蹕闔看空設飭珮組於初筵既遣胃以抒哀仍循儀而備典於戲紀型燁管庶堪延譽於肅雍溯愛彤闈長此茹酸於婉淑靈其祗格歆此茲芬大祭祭文曰宮庭鞠養降嬪同在室之情禮典哀榮感逝抱經年之感絮組用陳於再薦誄言攸備於重申爾和敬固倫公主瑤妃承輝璿源毓質巽宮長女先設輓以愛鍾天室懿親早結褵而慶叶惟額駙銘勳麟閣傷盡瘁於遐陲爾公主斂彩參躋式垂型於中壺策遺孤以樹立冀其踵武之賢芟累葉以繁昌遂厥含飴之樂仁長膺乎弗祿何遽遽夫沈疴溯下嫁於冊載而遙空歎儀型久著勞顧復於六旬以外難期齒算加增厄此閏年悵遺音於珩珮悲哉秋氣先零葉於瓊枝達郵報於山莊奄忽丹輪之杳展哀儀於青李淒清畫瑟之陳候越浹辰愴榮加奠於戲告甯無日益深過陳之悲備飾有文實切臨筵之悼惟靈不昧庶克歆承

掌左翼五旗事牧地

乾隆四十九年理藩院奏准所有達爾漢親王地方遊牧商民住近毗開原縣即交開原縣管理

當吉林赫爾蘇邊

門外昌圖廳界跨東西二遼河

遼河在游牧東南四百五十里自永吉州西北流入境經額爾金山西北流入左翼後旗界又西南流會潢河入邊西遼河即潢河也在游牧西南六十里自札哈特左翼流入境經噶

爾岡東南流會遼河水逆提綱大遼河即潢河古稱饒樂水溢真水託紇臣水吐護真水皆即此河今蒙古稱曰西喇水倫猶漢言黃河也源出克什克騰部界內山左麓至阿魯科爾沁之南二百里合白狼河勢益大又東北至札哈特南界奈曼北界始折而東南流分爲二派數十里復合又東南經喀爾喀二旗北又東經科爾沁左翼境又東南有赫爾蘇河自東北來會又東南流入盛京開原縣四境之柳邊赫爾蘇河源出永吉州西南柳邊內二源西北流而合俗曰母當阿赫爾蘇河亦曰遼河西北流有枯魯河自南來東北

流注之。又北經赫爾蘇驛東。又北百餘里。有雅哈河。亦兩源合而西北流。百里來會。又西北流出赫爾蘇之柳邊。卽科爾沁境。經額爾金山入左翼後旗界。轉西南流三百里。將至柳邊。西會潢河。穆案齊氏以古託紇臣水吐謨眞水並爲潢河之別名。誤辨見喀喇沁右翼牧地。
老河下。東至鄂拉達干。百三十里接郭爾羅斯界。南至小陀果勒濟山。二百里接左翼後旗界。西至唐海。五十里接奈曼旗界。北至旗西五十里有阿坦岡。

博羅霍吉爾山。三百里接烏珠穆沁左翼界。旗北百三十里有五峯山。蒙古名塔本陀羅海。二百五十里有曼頭山。蒙古名索諾圖。二百八十里有葛勒爾溫都爾山。三百五十里有大房山。蒙古名伊克查克梁爾。旗北百六十里有東天

河。蒙古名準騰格里。源出吉爾巴爾山。東南流會吉伯圖泉。入佟噶喇克察罕池。二百十里有額伯爾坤都倫河。自札嚕特左翼流入境。經索諾圖山。東流會阿嚕坤都倫河。入右翼西北經奎屯山。東南流入於哈古勒河。東南至吉林邊

牆。五百五十里。旗東南四百七十里有阿拉馬圖城。周六里三百步有奇。門四。一統志。按此城近開原邊外。疑卽舊韓州城也。穆案舊盛京通志。韓州本蒙古離國。舊治柳河縣。高麗置鄭頤府。領鄭頤二州。渤海因之。遼太宗置三河榆河二州。聖宗併二州置韓州。東

平軍。領柳河一縣。金因之。領臨津柳河二縣。元廢明於此置站。在開原縣城之西北。又案。金史遼以河爲名。有杞河。柳河。今攷其河。卽縣界之內。遼河外遼河也。遼河至此分爲二。故有柵柳河。柳河之稱。南流近承德界。合爲一。今無柵柳河名。惟稱巨流河。旗東流百三

十里。有牛頭山。蒙古名伊克圖虎爾吉。百五十里有巴漢圖虎爾吉山。三百里有白鹿山。三百五十里有大射山。蒙古名伊克哈爾巴爾。三百六十里有巴漢哈爾巴爾山。二百五十里有烏拉達罕岡。四百七十里有噶下呼爾岡。旗東南四百七十里有卓索河源出

邊內流入境。西北流入左翼後旗。會尹吉哈台河。入邊河。西南至烏達圖。三百里接左翼前旗界。東北至漲古太池。三百里接左翼界。旗東北

巴哈喇。百八十里有大石山。蒙古名葛倫齊老。百八十五里有太保山。蒙古名圖斯哈爾圖。三百里有殺羊山。蒙古名五戶爾吉台。旗東北百二十里有他拉泉。百八十里有佟噶喇克察罕池。西北至差都勒山。舊作巴漢查克梁爾

山華言小房山也。四百里接烏珠穆沁左翼界。旗西北百七十五里有巴彥朔龍山。二百里有水精山。蒙古名吉爾巴爾。二百三十里有蛇山。蒙古名漢惠朔龍。旗西北百八十里。有中天河。蒙古名都母達圖騰格里。源出吉爾巴爾山南流。四十餘里有阿魯坤都

倫河。詳見牧地下。百七十里。有吉伯圖泉。源出巴

彥朔龍山。東流會東天河。入佟嶺喇克察罕池。

札薩克駐西遼河之北伊克唐噶里克坡。

在喜峯口東北千六十五里。朔漢方略康熙二十

九年。蘇爾達奏言。臣於六月三十日。至科爾沁。見達爾漢親王班第。距其舊居六日程。駐圖思噶爾圖山。

〔右翼前旗〕本靺鞨地。金置肇州。隸會甯府。海陵改屬濟州。

承安三年。升爲鎮。元爲遼王乃顏分地。

肇州故城。在白都訥城南。舊名出河店。宋政和四年。女直取甯江州。遼人使其將葉嗣先等發兵屯出河店。金太祖禦之。至混同江。遼兵方壞凌道。太祖擊走之。遂

率衆進登岸。大破遼兵於此。天會八年。以太祖肇基王迹於此。建爲州。統始興縣。承安三年。升爲節鎮。軍名武興。元廢。明初有站。一統志按元時亦有肇州。元志附於廣甯府路下。注云。按哈喇八都魯傳。至元十三年。太祖謂哈喇八都魯曰。乃顏故地曰阿八喇忽者。產魚。吾今立城。而以兀速憐哈納思。乞里吉思。三部人居之。名其城曰肇州。汝往爲宣慰使。既至安市里。安民居得魚九尾。皆千斤。來獻。又成宗紀。元貞元年。立肇州屯田萬戶府。以遼陽行省左丞阿散領其事。而大一統志與經世大典皆不載此州。不知其所屬所領之詳。今以廣甯爲乃顏分地。故附注於廣甯之下。元之肇州。明初已不知所在。今攷博都歡傳。太祖分封東諸侯。以二十爲率。乃顏得其九五。則其地甚大。不但廣甯而已。又玉昔帖木兒傳云。乃顏之遺孽哈丹禿魯干復叛。玉昔帖木兒過黑龍江。擣其巢穴。可知黑龍江左右。亦乃顏故地。疑元之肇州。卽仍金舊。且近混同黑龍二江。故產大魚耳。今白都訥誠東南。阿爾楚哈河西岸。古城周二十里。內子周城四里。南距吉林烏喇城三百四十里。東去故會甯城六百里。與金史道里相合。疑卽肇州遺趾也。

札薩克

多羅札薩克圖郡王游牧。奧巴弟布達齊。天命十一年。隨兄來朝。賜號札薩克圖杜棱。崇德元年。封札